



**ZAPISNIK O RADU 15. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 22.12.2021. GODINE*

Broj: 01-GV-02-1727/21  
Sarajevo, 22.12.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
9. Enisa Spahić, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Elvedin Korora, predsjedavajući Kluba gradskih vijećnika „Korora/Skorupan“
12. Seid Škaljić predsjedavajući Kluba gradskih vijećnika „Narodni evropski savez (NES) – Željko Majstorović“
13. Mila Eminović Rizvanović, sekretar Gradskog vijeća

Sjednici je prisustvovala Benjamina Karić, gradonačelnica grada Sarajeva.

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva i Muamer Kutlovac, pomoćnik gradonačelnice za finansije.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 14.09 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa osam glasova „za“ i dva „suzdržana“ glasa **je usvojio** Zapisnik o radu 14. sjednice Kolegija Gradskog vijeća, održane 02.12.2021. godine.



**Mirela Džehverović zamjenica predsjedavajućeg Gradskog vijeća** je pristupila sjednici Kolegija u 14.11 sati.

Na prijedlog **Jasmina Ademovića predsjedavajućeg Gradskog vijeća**, Kolegij Gradskog vijeća, bez rasprave, jednoglasno, **je usvojio** dnevni red 15. sjednice Kolegija Gradskog vijeće, tako da glasi:

1. Očitovanje Kolegija Gradskog vijeća Grada Sarajeva o mišljenjima radnih tijela na prijedlog Programa rada Gradskog vijeća Grada Sarajeva za 2022. godinu
2. Mišljenje o Nacrtu Strategije razvoja Grada Sarajeva 2021.-2027.
3. Razmatranje inicijativa upućenih Gradskom vijeću Grada Sarajeva
4. Tekuća pitanja

**Ad1)**

**Očitovanje Kolegija Gradskog vijeća Grada Sarajeva o mišljenjima radnih tijela na prijedlog Programa rada Gradskog vijeća Grada Sarajeva za 2022. godinu**

U uvodnim napomenama **Jasmin Ademović predsjedavajući Gradskog vijeća** je istakao da je uz poziv za 15. sjednicu Kolegija Gradskog vijeća dostavljen Prijedloga Programa rada Gradskog vijeća Grada Sarajeva za 2022. godinu koji je dopunjen i obrazloženjima za pojedine teme koja su nedostajala u materijalu, da su sva radna tijela Gradskog vijeća razmatrala Prijedlog Programa, te da su izveštaji radnih tijela dostavljeni u materijalu.

**Upoznao je** članove Kolegija da je dostavljen i prijedlog očitovanja Kolegija o mišljenjima radnih tijela Gradskog vijeća koja su razmatrala Prijedlog Programa rada Gradskog vijeća Grada Sarajeva za 2022. godinu utvrđen na 14. sjednici Kolegija Gradskog vijeća održanoj 02.12.2021. godine.

**Predsjedavajući Gradskog vijeća Jasmin Ademović** je pozvao **Milu Eminović Rizvanović sekretara Gradskog vijeća** da upozna članove Kolegija Gradskog vijeća o mišljenjima radnih tijela Gradskog vijeća kao i predloženim očitovanjem Kolegija na Prijedlog Programa rada Gradskog vijeća Grada Sarajeva za 2022. godinu koje je pripremila Stručna služba za poslove Gradskog vijeća.

**Mila Eminović Rizvanović, sekretar Gradskog vijeća** je upoznala članove Kolegija Gradskog vijeća da su Prijedlog Programa u cjelini podržala, te nisu formulisala nove prijedloge, odnosno primjedbe ili sugestije sljedeća radna tijela:

1. Mandatno-imunitetska komisija, sjednica održana 13. 12.2021. godine
2. Administrativna komisija, sjednica održana 22.12. 2021. godine
3. Komisija za ljudska prava, sjednica održana 21.12.2021. godine
4. Komisija za jednakopravnost spolova, sjednica održana 14.12.2021. godine
5. Komisija za međunarodnu suradnju, sjednica održana 15.12.2021. godine
6. Odbor za budžet i finansije, sjednica održana 22.12.2021. godine
7. Odbor za lokalni biznis i turizam, sjednica održana 14.12.2021. godine
8. Odbor za javne službe, infrastrukturu i javni saobraćaj, sjednica održana 14.12.2021. godine
9. Odbor za informatiku i telematiku, sjednica održana 13.12.2021. godine
10. Etičko vijeće Gradskog vijeća, sjednica održana 13.12.2021. godine

**Zatim je** upoznala članove Kolegija Gradskog vijeća da su sljedeća radna tijela Gradskog vijeća uputila primjedbe, prijedloge i sugestije o kojima je potrebno da Kolegij Gradskog vijeća na današnjoj sjednici zauzme stav, i to:

1. Komisija za izbor i imenovanja
2. Komisija za Statut i akte

3. Komisija za odnose s vjerskim zajednicama i crkvama
4. Komisija za pitanja mladih
5. Komisija za spomenike Gradskog vijeća
6. Komisija za drugostepenu upravno rješavanje
7. Odbor za urbanizam i upotrebu lokalnog zemljišta
8. Odbor za društvene djelatnosti

Član Kolegija Srđan Srdić je pristupio sjednici Kolegija u 14.19 sati.

Kolegij Gradskog vijeća Grada Sarajeva je nakon razmatranja predloženog očitovanja o mišljenjima radnih tijela na prijedlog Programa rada Gradskog vijeća Grada Sarajeva za 2022. godinu, prezentiranog od strane Mile Eminović Rizvanović, sekretara Gradskog vijeća, zauzeo sljedeći stav:

#### **Komisija za izbor i imenovanja**

Komisija za izbor i imenovanja sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je predložen, **uz sugestiju da se predložena i uvrštena tačka ovog radnog tijela i to Odluka o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva, koja je programirana da se razmatra u Programu rada Gradskog vijeća Grada Sarajeva za 2022. godinu briše, obzirom da će se ista razmatrati na 10. sjednici Gradskog vijeća u decembru 2021. godine.**

(Izvještaj broj: 04-GV-04-1652-1/21 od 15.12.2021. godine)

#### **Očitovanje Kolegija**

Sugestiju ovog radnog tijela nije moguće prihvatiti obzirom da je nakon održavanja sjednice ovog radnog tijela Gradonačelnica povukla Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva za razmatranje na 10. (decembarskoj sjednici Gradskog vijeća), tako da će se Odluka morati razmatrati u 2022. godini i mora ostati programirana. U pogledu ove Odluke koja je programirana u Oblasti III. – Opća uprava pod tačka 4. i 8. prijedlog Kolegija je da se u tački 4. u pogledu forme programira njeno razmatranje u formi Prijedloga umjesto u formi Nacrta, te da se sukladno tome briše tačka 8. koja je predviđala razmatranje u formi Prijedloga. Ovo iz razloga što je Gradonačelnica kao ovlaštena Predlagač kada je uputila materijal tj. ovu odluku na decembarsku sjednicu, istu predvidjela da se razmatra u formi Prijedloga po skraćenom postupku.

#### **Komisija za Statut i akte**

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, **te sugeriše Gradskom vijeću Grada Sarajeva da razmatra Program rada Gradskog vijeća Grada Sarajeva za 2022. godinu kako je predložen, uz konstataciju da će se prijedlozi Gradonačelnice dopuniti propisanim obrazloženjem (pravni osnov, sadržaj, razloge za predlaganje i finansijska sredstva), a do upućivanja materijala Gradskom vijeću na razmatranje.**

(Izvještaj broj: 04-GV-02-1664-2/21 od 16.12.2021. godine)

#### **Očitovanje Kolegija**

Prijedlog je na sjednici radnog tijela prihvaćen od strane predstavnice Predlagača, obzirom da je riječ o temama koje su uvrštene na prijedlog Gradonačelnice, te je ova sugestija u cijelosti prihvaćena, te je Predlagač prijedloge dopunio sa nedostajućim obrazloženjima i isti će biti inkorporirani u finalni tekst Programa koji će se razmatrati na sjednici.

### **Komisija za odnose s vjerskim zajednicama i crkvama**

Komisija za odnose s vjerskim zajednicama i crkvama sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je i predložen uz sugestiju da Kolegij Gradskog vijeća dopuni Program rada Gradskog vijeća Grada Sarajeva za 2022. godinu sa tačkom koja glasi:

**Dopuna Odluke o obilježavanju datuma i događaja od značaja za Grad Sarajevo - Kalendara na način da se uoči obilježavanja svakog zvaničnog vjerskog praznika svih konfesija u Bosni i Hercegovini organizuje posjeta poglavarima vjerskih zajednica u delegaciji koju bi činilo rukovodstvo Grada Sarajeva i članovi Komisije za odnose s vjerskim zajednicama i crkvama Gradskog vijeća.**

(Izvjestaj broj: 04-GV-04-1631-1/21 od 16.12.2021. godine)

### **Očitovanje Kolegija**

Prijedlog se prihvata.

### **Komisija za pitanja mladih**

Komisija za pitanja mladih sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je predložen, **uz sugestiju da se Informacija o implementaciji Plana djelovanja za mlade Grada Sarajeva razmatra kvartalno.**

(Izvjestaj broj: 04-GV-04-1625-1/21 od 13.12.2021. godine)

### **Očitovanje Kolegija**

Prijedlog se prihvata, te je u tački 19. – Oblast druga pitanja od interesa za građane grada Sarajeva ubačeno kvartalno razmatranje Informacije na način da će se ista razmatrati u III, VI, IX. i XII. mjesecu 2022. godine.

### **Komisija za spomenike Gradskog vijeća**

1. Komisija za spomenike sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, **uz uvažavanje prijedloga predstavnika Gradonačelnice da se Odluka o podizanju spomenika civilnim žrtvama Grada – Kantona Sarajevo u dijelu roka razmatranja u formi Nacrta i Prijedloga promijeni i to tako da se Nacrt razmatra u mjesecu aprilu, a Prijedlog u mjesecu junu.**
2. Komisija za spomenike sugeriše Gradskom vijeću Grada Sarajeva, **uz uvažavanje prijedloga predstavnika Gradonačelnice da se Odluka o podizanju spomenika bosanskom kralju Tvrtku I Kotromaniću u dijelu roka razmatranja u formi Nacrta i Prijedloga promijeni i to tako da se Nacrt razmatra u mjesecu februaru a Prijedlog u mjesecu aprilu.**

(Izvjestaj broj: 04-GV-04-1662-1/21 od 16.12.2021. godine)

### **Očitovanje Kolegija**

Prijedlog se prihvata, cijeneći činjenicu da je isti iniciran od strane predstavnika Predlagača, te da je isti podržala i Komisija za spomenike kao nadležno radno tijelo.

S tim u vezi Program rada Gradskog vijeća Grada Sarajeva za 2022. godinu u pogledu navedenog se mijenja na navedeni način da se u dijelu Programa – Oblast druga pitanja od interesa za građane grada Sarajeva u tački 1. Odluka o podizanju spomenika bosanskom Kralju Tvrtku I Kotromaniću u dijelu roka za razmatranje Nacrta umjesto I mjeseca (januar) stavi II mjesec (februar), a posljedično tome da se u tački 7. Odluka o podizanju spomenika bosanskom Kralju Tvrtku I Kotromaniću u pogledu roka za razmatranje Prijedloga Odluke umjesto III. (mart) stavi IV. mjesec (april).

Isto tako u istoj oblasti Oblast druga pitanja od interesa za građane grada Sarajeva u tački 4. – Odluka o podizanju spomenika civilnim žrtvama Grada - Kantona Sarajevo, u dijelu roka za razmatranje Nacrta umjesto II. mjeseca (februar) stavi IV. mjesec (april), te posljedično

tome da se i u tački 8. Odluka o podizanju spomenika civilnim žrtvama Grada - Kantona Sarajevo u dijelu roka za razmatranje Prijedloga umjesto IV. mjeseca (april) stavi VI. mjesec (juni).

### **Komisija za drugostepeno upravno rješavanje**

Komisija za drugostepeno upravno rješavanje sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje **sljedećih sugestija**:

1. Komisija za drugostepeno upravno rješavanje **sugeriše predlagачu i Gradskom vijeću da u pogledu prostorno planskih dokumenata tj. regulacionih planova koji su još uvijek u nadležnosti Grada Sarajeva i kao takvi programirani za 2022. godinu, razmotri mogućnost njihovog eventualnog prenosa na jedinice lokalne samouprave odnosno općine za koji lokalitet se donosi plan kroz donošenje odgovarajućih odluka, a ukoliko je to moguće u skladu sa Zakonom o prostornom uređenju Kantona Sarajevo.**
2. Komisija za drugostepeno upravno rješavanje **traži informaciju u pisanoj formi od predlagачa i Gradonačelnice, a svako u okviru svoje nadležnosti, u pogledu razloga odbijanja prijedloga broj 3. Komisije za drugostepeno upravno rješavanje koji je upućen u toku javne rasprave uz istovremeno dostavljanje odgovora na pitanje po kom osnovu Grad Sarajevo već sada provodi, učestvuje i finansira aktivnosti na izradi elaborata koji su programirani za 2022. godinu, te kada su aktivnosti na izradi navedenih elaborata započete.**
3. Komisija za drugostepeno upravno rješavanje **sugeriše predlagачu da se u dijelu Programa rada poglavlje VIII - Osnovno i srednje obrazovanje u tački 6. Odluka o stipendiranju izvrsnosti kod učenika srednjih škola iz Budžeta Grada Sarajeva, u dijelu Kratkog sadržaja materijala briše naziv Prosvjetno-pedagoški zavod obzirom da isti više ne postoji.**

(Izveštaj broj: 04-GV-02-1633-1/21 od 13.12.2021. godine)

### **Očitovanje Kolegija**

Prijedlog 1. Kolegij ne smatra prihvatljivim, obzirom da je od interesa za Grad Sarajevo da razmatra i usvaja regulacione planove koji su po novom Zakonu o prostornom uređenju Kantona Sarajevo ostali u nadležnosti Grada, obzirom da su već bili započeti a naročito cijeneći okolnost da Grad Sarajevo nije bio saglasan sa novim Zakonom o prostornom uređenju Kantona Sarajevo iz 2016. godine kojim je Gradu oduzeta nadležnost za donošenje regulacionih planova na području četiri gradske općine.

Sugestija broj 2. predstavlja jednu vrstu vijećničkog pitanja ili inicijative, odnosno pitanja ili inicijative radnog tijela, na koje može sada na Kolegiju da se očituje Gradonačelnica te se predlaže da se o njoj diskutuje u sklopu 4. tačke dnevnog reda današnje sjednice Kolegija uz koju je i priložen materijal.

U pogledu 3. sugestije Kolegij je prihvata i u obrazloženju će se izvršiti brisanje naziva Prosvjetno-pedagoškog zavoda obzirom da isti više ne postoji.

### **Odbor za urbanizam i upotrebu lokalnog zemljišta**

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje sljedećeg mišljenja:

Odbor za urbanizam i upotrebu lokalnog zemljišta sugeriše Kolegiju Gradskog vijeća, a na prijedlog predstavnice Gradonačelnice, da se u Prijedlog Programa rada Gradskog vijeća Grada Sarajeva za 2022. godinu, u Oblasti VI - Urbano planiranje i upotreba lokalnog zemljišta uvrsti sljedeća tema "Odluka o usvajanju Regulacionog plana „Alipašin most VI“

sa Odlukom o provođenju Regulacionog plana „Alipašin most VI“, u formi Nacrta, rok: Kad se steknu uslovi.

(Izveštaj broj: 04-GV-02-1645-1/21 od 14.12.2021. godine)

### Očitovanje Kolegija

Prijedlog se u cijelosti prihvata kako je sugerirano i Stručna služba za poslove Gradskog vijeća će izvršiti korekcije u finalnom tekstu Programa, obzirom da je riječ o tehničkom propustu.

### Odbor za društvene djelatnosti

Odbor za društvene djelatnosti sugerira Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje sljedećih **sugestija**:

1. Odbor za društvene djelatnosti predlaže da se u Program rada Gradskog vijeća Grada Sarajeva za 2022. godinu **uvrsti tema Informacija o radu i poslovanju JP „Olimpijski bazen Otoka“ d.o.o. Sarajevo, JP „Sarajevo“ d.o.o. i Javne ustanove „Gradski muzeji“ razmatra u devetom mjesecu 2022. godine, za poslovanje u prvih šest mjeseci 2022. godine.**
2. Odbor za društvene djelatnosti **predlaže da se u dijelu Programa rada Gradskog vijeća Grada Sarajeva za 2022. godinu, Oblast VI. - Gradske finansije za temu pod tačkom 3. predlagač opredijeli da li je riječ o izvještaju ili informaciji.**
3. Odbor za društvene djelatnosti **predlaže da se u Programu rada Gradskog vijeća Grada Sarajeva za 2022. godinu u Oblasti XVII. - Druga pitanja od interesa za građane Grada Sarajeva tačka 20. Informacija o implementaciji Plana djelovanja za mlade briše, obzirom da je njeno razmatranje programirano pod tačkom 19.**

(Izveštaj broj: 04-GV-02-1654-1/21 od 15.12.2021. godine)

### Očitovanje Kolegija

U pogledu prijedloga 1. prijedlog se prihvata, obzirom da se na taj način ostvaruje bolja kontrola nad radom i poslovanjem javnih preduzeća a prije razmatranja izvještaja o radu i poslovanju koji se programira u mjesecu maju za prethodnu godinu.

U pogledu prijedloga broj 2. prijedlog se prihvata, te se konkretizuje u tački 3. da je riječ o Izvještaju o izvršenju Budžeta Grada Sarajeva za I, II. i III. kvartal 2022. godine, da je u pogledu forme također riječ o izvještaju, dok rokovi i predlagač ostaju nepromijenjeni tj. onako kako su predloženi od strane Gradonačelnice.

U pogledu prijedloga broj 3. isti se prihvata kako je predložen, a o čemu se na sjednici ovog radnog tijela i predstavnik predlagača usaglasio, a obzirom da je riječ o tehničkom propustu na način da je tema dva puta unesena pod istim nazivom.

**Kolegij Gradskog vijeća se očitovao i o određenim prijedlozima Stručne službe za poslove Gradskog vijeća, kao obrađivača materijala, kako slijedi:**

1. Stručna služba Gradskog vijeća Grada Sarajeva kao obrađivač materijala sugerira da Kolegij prihvati sugestiju da se u dijelu Programa – oblast III. – Opća uprava tema broj 16. Odluka o izmjenama i dopunama Poslovnika Gradskog vijeća Grada Sarajeva, u cijelosti briše obzirom da je u Programu pod tačkom 7. i 10. programirano donošenje novog Poslovnika Gradskog vijeća Grada Sarajeva, tako da bi razmatranje predložene teme koja je prenesena iz prošlogodišnjeg programa rada Gradskog vijeća bilo bezpredmetno.
2. Stručna služba Gradskog vijeća kao obrađivač materijala sugerira Kolegiju da se teme iz oblasti broj XIV: Upravljanje imovinom, i to teme pod brojem 5. i 6.

koje su predložene od javnog preduzeća „Olimpijski bazen Otoka“ za tematsku sjednicu Gradskog vijeća, razmatraju i programiraju kao informacije sa prijedlogom mjera u sklopu redovnih sjednica Gradskog vijeća u 2022. godini, od strane Skupštine kao predlagača.

**Očitovanje Kolegija:**

Prijedlozi se prihvataju.

**Kolegij Gradskog vijeća** se očitovao i na sugestiju Komisije za međunarodnu suradnju, koja glasi:

**Iako Komisija za međunarodnu suradnju nije imala zaključaka ni sugestija u pogledu Programa rada Gradskog vijeća za 2022. godinu na ovom radnom tijelu diskutovalo se i o tome da se materijali programirani u Oblasti druga pitanja od interesa za građane grada Sarajeva i to materijal pod tačkom 11. Odluka o davanju saglasnosti na Memorandum o saradnji Grada Sarajeva sa Memorijalom u Ninbergu i tačkom 21. Odluka o davanju saglasnosti na Memorandum o saradnji Grada Sarajeva sa Informativnim centrom o međunarodnom krivičnom sudu za Ruandu u Aruši prebace u oblast: XVI Saradnja i udruživanje obzirom da se unutar ove oblasti programiraju teme iz međunarodne saradnje te da ovi materijali imaju elemente međunarodne saradnje, kao i da je Odluka o davanju saglasnosti za saradnju Grada sa Memorijalom u Aušvicu već programirana u ovoj oblasti.**

**Očitovanje Kolegija**

Prijedlozi se prihvataju.

**Kolegij Gradskog vijeća** se očitovao i o temi koja je planirana u poglavlju XVII Druga pitanja od interesa za građane Grada Sarajeva pod tačkom 23. **Mjere koje će Grad Sarajevo u saradnji s nadležnim organima Kantona Sarajevo poduzeti s ciljem efikasne zaštite od infekcije virusom Covid-19.**

**Očitovanje Kolegija**

Potrebno je izmijeniti naziv materijala tako da glasi: „Informacija o epidemiološkom stanju u Gradu Sarajevo usljed pandemije Corona virusa.“, a uzimajući u obzir da Grad Sarajevo nema nadležnosti u ovoj oblasti.

**Jasmin Ademović, predsjedavajući Gradskog vijeća** je naglasio da je bitno da se, po usvajanju Programa rada Gradskog vijeća Grada Sarajeva za 2022. godinu, predlagači materijala pridržavaju rokova u pripremi i realizaciji materijala, a kako je to navedeno u Programu.

**Benamina Karić, gradonačelnica Grada Sarajeva** je pristupila sjednici Kolegija u 14.30 sati.

Na poziv **Jasmina Ademovića, predsjedavajućeg Gradskog vijeća, Kolegij Gradskog vijeća**, jednoglasno, **je usvojio** sljedeći **zaključak**:

Zadužuje se Stručna služba za poslove Gradskog vijeća da izradi tekst Prijedloga Programa rada Gradskog vijeća Grada Sarajeva za 2022. godinu, u svemu u skladu sa danas usvojenim opredjeljenjima Kolegija Gradskog vijeća o mišljenjima radnih tijela Gradskog vijeća, a koji će se uputiti Gradskom vijeću na razmatranje uz akt Kolegija kojim Kolegij utvrđuje prijedlog Programa.

**Zatim** je konstatovao i da akt kojim Kolegij Gradskog vijeća utvrđuje Prijedlog Programa rada Gradskog vijeća Grada Sarajeva za 2022. godinu sa Izvještajem o provedenoj javnoj raspravi koji je u prilogu ovog akta i upućuje ga Gradskom vijeću na razmatranje, ostaje takav kakav je usvojen na prošloj sjednici Gradskog vijeća.

## Ad 2)

### **Mišljenje o Nacrtu Strategije razvoja Grada Sarajeva 2021.-2027.**

**Jasmin Ademović, predsjedavajući Gradskog vijeća** je podsjetio članove Kolegija da Kolegij Gradskog vijeća, u skladu sa članom 32. stav 1. pod a) Poslovnika Gradskog vijeća Grada Sarajeva, razmatra prijedloge strateških dokumenata Grada Sarajeva za mandatni i duži period i daje mišljenje, sugestije i prijedloge, te s tim u vezi Kolegij Gradskog vijeća na današnjoj sjednici razmatra Nacrt Strategije razvoja Grada Sarajeva 2021.-2027.

Napomenuo je da su Nacrt Strategije razvoja Grada Sarajeva 2021.-2027. razmatrala sva radna tijela Gradskog vijeća.

Uvodno izlaganje podnijela je **Benamina Karić, gradonačelnica Grada Sarajeva**.

**Član Kolegija Muamer Mekić** je pristupio sjednici Kolegija u 14.35 sati.

U raspravi koja je uslijedila učestvovali su **Jasmin Ademović, predsjedavajući Gradskog vijeća, Dragan Stevanović, zamjenik predsjedavajućeg Gradskog vijeća, članica Kolegija Enisa Spahić i Mirela Džehverović, zamjenica predsjedavajućeg Gradskog vijeća**.

**Član Kolegija Toni Vukadin** napustio je sjednicu Kolegija u 14.43 sati.

Na poziv **Jasmina Ademovića, predsjedavajućeg Gradskog vijeća, Kolegij Gradskog vijeća**, jednoglasno, **je usvojio** sljedeći **zaključak**:

1. Kolegij Gradskog vijeća Grada Sarajeva je razmatrao Nacrt Strategije razvoja Grada Sarajeva 2021. – 2027. i sugeriše Gradskom vijeću Grada Sarajeva da razmatra Nacrt Strategije razvoja Grada Sarajeva 2021. – 2027. godina kako je predložen i uputi ga u javnu raspravu.
2. Kolegij Gradskog vijeća sugeriše Gradonačelnici da predloženi zaključak kojim se Nacrt Strategije razvoja Grada Sarajeva 2021. – 2027. upućuje u javnu raspravu dopuni u tački 2. tako da se kao subjekti u javnoj raspravi navedu i Privredna komora Kantona Sarajevo, Privredna komora Federacije Bosne i Hercegovine i Univerzitet u Sarajevu, a što je Gradonačelnica prihvatila.

## Ad 3)

### **Razmatranje inicijativa upućenih Gradskom vijeću Grada Sarajeva**

**Jasmin Ademović, predsjedavajući Gradskog vijeća** je podsjetio članove Kolegija da je uz poziv za sjednicu Kolegija dostavljena **Inicijativa gradskog vijećnika Bajre Bibera** da Grad Sarajevo donese Rezoluciju protiv uspostavljanja sistema Covid potvrda ili drugih mehanizama uslovljavanja slobode kretanja na prostoru grada Sarajeva, te zatražio da se Gradsko vijeće Grada Sarajeva na 10. sjednici Gradskog vijeća Grada Sarajeva izjasni o podnesenoj inicijativi.

**Gradski vijećnik Bajro Biber** je nakon pojašnjenja podnesene inicijative zatražio da se ista na razmatra na 10. sjednici Gradskog vijeća Grada Sarajeva obzirom na rokove navedene u inicijativi.



**Jasmin Ademović, predsjedavajući Gradskog vijeća** je, također, podsjetio da su uz poziv za sjednicu Kolegija dostavljene **dvije inicijative Komisije za ljudska prava**, sljedećeg sadržaja:

**I Komisija za ljudska prava i slobode**, a prilikom razmatranja zahtjeva za učešće u radu Komisije za ljudska prava i slobode (*Merima Hadžiabdić*), je jednoglasno usvojila sljedeći **zaključak**:

1. Komisija za ljudska prava i slobode konstatuje da nisu ispoštovane preporuke Institucije Ombudsmena BiH donesene povodom ovog slučaja.
2. Komisija za ljudska prava i slobode konstatuje da je djelimično pogrešno informisana kada je razmatrala preporuku Ombudsmena po ovom predmetu, te nije mogla reagovati na odgovarajući način.
3. Komisija za ljudska prava i slobode iskazuje zabrinutost zbog činjenice da Grad Sarajevo kao institucija ponovo ulazi, po četvrti put u izvještaj Institucije Ombudsmena BiH kao institucija koja ne poštuje ljudska prava, te apelira na organe Grada Sarajeva i gradsku administraciju da poduzme sve kako bi se ovo stanje popravilo.
4. Komisija za ljudska prava i slobode upućuje inicijativu da Gradsko vijeće Grada Sarajeva donese sljedeći **zaključak**:
  - Zadužuje se Gradonačelnica da utvrdi činjenice i odgovornost zbog kojih je došlo do propusta navedenih u predmetu.
  - Zadužuje se Gradonačelnica da poduzme potrebno da se na odgovarajući način objave svi opći akti koje Gradonačelnica donosi.

**II Komisija za ljudska prava i slobode**, a prilikom razmatranje ponovnog zahtjeva za učešće u radu Komisije za ljudska prava i slobode (*Elvir Hadžiahmetović*), upućuje inicijativu da Gradsko vijeće Grada Sarajeva donese sljedeći **zaključak**:

Zadužuje se Gradonačelnica da utvrdi odgovornost državnih službenika radi nesavjesnog obavljanja poslova i propuštanja poduzimanja radnji kako bi preporuke Institucije Ombudsmena za ljudska prava BiH bile izvršene.

Sastavni dio materijala je predmet koji je razmatrala Komisija.

**Jasmin Ademović, predsedavajuću Gradskog vijeća** je predložio, a članovi Kolegija prihvatili prijedlog, da se o inicijativama Komisije za ljudska prava vodi jedinstvena rasprava.

Zatim je otvorio raspravu o navedenim inicijativa. Obzirom da nije bilo prijavljenih za učešće u raspravi, **Jasmin Ademović predsjedavajući Gradskog vijeća** je konstatovao da Kolegij Gradskog vijeća nije formulisao mišljenje, te se inicijative upućuju Gradskom vijeću na razmatranje.

#### **Ad 4)**

#### **Tekuća pitanja**

**Jasmin Ademović, predsjedavajući Gradskog vijeća** je informisao članove Kolegija Gradskog vijeća da je 10. sjednica Gradskog vijeća Grada Sarajeva pripremljena, te predložio da se poziv za sjednicu uputi gradskim vijećnicima u četvrtak 23.12.2021. godine, obzirom da se još uvijek održavaju sjednice radnih tijela u pripremi 10. sjednice Gradskog vijeća.

Na poziv **Jasmina Ademovića, predsjedavajućeg Gradskog vijeća, Kolegij Gradskog vijeća**, jednoglasno, **je usvojio** sljedeći **zaključak**:

Predsjedavajući Gradskog vijeća će poziv za 10. sjednicu Gradskog vijeća Grada Sarajeva, koja će se održati u srijedu 29.12.2021. godine, uputiti u četvrtak 23.12.2021. godine.

**Jasmin Ademović, predsjedavajući Gradskog vijeće** je podsjetio članove Kolegija Gradskog vijeća da se Kolegij Gradskog vijeće, prilikom razmatranja tačke 1. dnevnog reda „**Očitovanje Kolegija Gradskog vijeća Grada Sarajeva o mišljenjima radnih tijela na Prijedlog Programa rada Gradskog vijeća Grada Sarajeva za 2022. godinu**“ opredijelio da se o zaključku Komisije za drugostepeno upravno rješavanje, koji glasi: „**Komisija za drugostepeno upravno rješavanje traži informaciju u pisanoj formi od predlagača i Gradonačelnice, a svako u okviru svoje nadležnosti, u pogledu razloga odbijanja prijedloga broj 3. Komisije za drugostepeno upravno rješavanje koji je upućen u toku javne rasprave uz istovremeno dostavljanje odgovora na pitanje po kom osnovu Grad Sarajevo već sada provodi, učestvuje i finansira aktivnosti na izradi elaborata koji su programirani za 2022. godinu, te kada su aktivnosti na izradi navedenih elaborata započete**“ vodi rasprava pod tačkom 4. Tekuća pitanja.

Zatim je pozvao **Aidu Bajramović, šefa Odsjelnjenja za kabinetske poslove** da obrazloži razloge odbijanja prijedloga Komisije za drugostepeno upravno rješavanje da se iz Programa rada Gradskog vijeća Grada Sarajeva za 2022. godinu brišu predloženi elaborati.

**Aida Bajramović, šefa Odsjelnjenja za kabinetske poslove** je dala obrazloženje sljedećeg sadržaja: Elaborat “Lokacije za postavljanje kioska”, Elaborat “Lokacije za slobodnostojeće otvorene bašte” i Elaborat o izradi slobodnostojećih reklamnih panoa i slobodnostojećih displeja na javnim površinama nisu završeni, te se planira njihovo usvajanje Programom rada u 2022. godini.

Nosilac izrade Elaborata je Zavod za planiranje razvoja Kantona Sarajevo.

Na osnovu člana 14. Zakona o izmjenama i dopunama Zakona o privremenom korištenju javnih površina na području Kantona Sarajevo (“Službene novine Kantona Sarajevo”, broj 26/12), Elaborat donosi Gradsko vijeće Grada Sarajeva, za područje općina u sastavu Grada Sarajeva uz prethodno pribavljenu saglasnost općinskih vijeće, te da naprijed navedeno predstavlja razloge zbog kojih ove teme trebaju ostati u Programu rada Gradskog vijeća za 2022. godinu.

**Jasmin Ademović, predsjedavajući Gradskog vijeća** je konstatovao da je Kolegij Gradskog vijeća upoznat o razlozima zašto je potrebno da se elaborati navedeni u oblasti IV Urbano planiranje i upotreba lokalnog zemljišta planiraju u Prijedlogu Programa rada Gradskog vijeća Grada Sarajeva za 2022. godinu, te podsjetio na obavezu Gradonačelnice da, u skladu sa zaključkom Komisije za drugostepeno upravno rješavanje, dostavi traženu Informaciju.

\*\*\*\*\*

**Benamina Karić, gradonačelnica Grada Sarajeva** je podsjetila članove Kolegija Gradskog vijeća da je na 14. sjednici Kolegija Gradskog vijeća vođena rasprava da se sredstva planirana za doček Nove godine u iznosu od 50.000,00 KM preusmjere za liječenje oboljele djece, te da su članovi Kolegija Gradskog vijeća saglasili da se sredstva u jednakim iznosima od po 25.000,00 KM preusmjere za Udruženje Srce za djecu oboljelu od raka i Udruženje Dijabetičara djece i omladine Kantona Sarajevo.

Upoznala je članove Kolegija Gradskog vijeća sa pokušajima realizacije sredstava na način i u svrhu za koju je dobila podršku Kolegija i sa problemima na koje je naišla.

Zatim je iznijela novi prijedlog da se sredstva u iznosu od 50.000,00 KM dodjele Udruženju „Srce za djecu oboljelu od raka“ za liječenje 25 djece, a prema spisku Udruženja.

U raspravi koja je uslijedila učestvovali su **zamjenik predsjedavajućeg Gradskog vijeća Dragan Stevanović, član Kolegija Vedad Deljković i član Kolegija Bajro Biber.**

Na poziv **Jasmina Ademovića, predsjedavajućeg Gradskog vijeća, Kolegij Gradskog vijeća**, jednoglasno, **je usvojio** sljedeći **zaključak**:

Kolegij Gradskog vijeća podržava namjeru Gradonačelnice da se sredstva u iznosu od 50.000,00 KM koliko je bilo planirano u Budžetu Grada Sarajeva za 2021. godinu za doček Nove godine, dodjele za liječenje 25 djece, prema spisku Udruženja „Srce za djecu oboljelu od raka“, a koje će dostavi izvještaj o utrošku sredstava.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.56 sati.

*SEKRETAR GRADSKOG VIJEĆA*

*Mila Eminović Rizvanović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*